

قسوة القلب _ الأسباب و العلاج _ صدقني لايف جايلك في الوقت

المناسب _ م علاء حامد

علاء حامد

الحمد لله وشهاد ان لا الله الا الله وحده لا شريك له وشهاد ان محمدا عبده ورسوله صلى الله عليه وسلم اما بعد اه من وقت لآخر
يحتاج الانسان ان هو يفوق نفسه. يفوق نفسه فعلا يعني الدرس ده آآ هو لي في المقام الاول. بس قلت بدل ما اقوله لنفسي -

00:00:00

يعني ينتفع به لوحدي اقوله لكم بالمرة لان الانسان آآ لا يسلم من فترة آآ مع يعني طول الامد. زي ما ربنا قال آآ فطال عليهم والامد
صح؟ الم يأن - 00:00:22

للذين امنوا ان تخشع قلوبهم لذكر الله وما نزل من الحق. ولا يكونوا كالذين اوتوا الكتاب من قبل فطال عليهم الامد. فاييه؟ فقست
قلوبهم وكثير منهم فاسقون. اه. طبيعة الانسان مهمما كان اه بيقول انا ملتزم مهمما كان اه طالب علم مهمما - 00:00:39
كانت اخته طيبة ومنتقبة وكل الكلام الجميل ده تمام اه كل الكلام ده في الآخر كلنا بنعدي بنفس المرحلة ديت مرحلة ان القلب ازا
طال عليه الامد يحصل له نوع من الایه؟ نوع من القسوة. يعني ايه طول الامد - 00:01:03

يعني الانسان اه بيببدأ يشعر ان هو بقى زي الناس طال علينا الامد في الالتزام. بقى لنا سنين ملتزمين. آآ اللي بنصبح فيه بننام فيه ما
فيش تجديد للعهد مع الایمان. ما فيش طلب علم زيادة. ما فيش تدبر قرآن. بقينا شبه الناس - 00:01:28

بقينا بنتكلم نفس كلام الناس بقينا لو قعدنا في قعدة واحدنا ملتزمين اهو بنقول على نفسنا ملتزمين بنتكلم زي الناس بالظبط في
الدولار والجنيه اه والاسعار اللي طلعت واللي نزلت واكل العيش والحياة والمشاكل والسياسة والاقتصاد - 00:01:50
بقينا بنتكلم زيهem. بل بين حتى لما بيتكلموا غلط بنتكلم في الغلط زيهem. بقوا لما يتكلموا على افلام ومسلسلات وافيهات ويويتوب
برده نلاقي نفسنا عارفين كل حاجة متابعين زيهem وما فيش فرق بیننا وبينهم في الحياة - 00:02:12

احنا بنشعر ان احنا واضح انه طال علينا الامد وواضح ان القلوب بدأت تقوس واضح ان احنا بقينا عادي يعني. بقى يشغلنا ما يشغل
الناس وبقى يفرحنا اللي يفرح الناس. وبباقي يحزننا اللي يحزن الناس - 00:02:31

ما باقاش في اي تميز في اي حاجة. فدي عالمة سيدة وعلامة انهيار وعلامة ان احنا ايه انتبه من فضلك السيارة ترجع الى الخلف. انتبه
من فضلك. التزامك يرجع الى الخلف - 00:02:47

لو زدنا على ذلك بقى ان انت حاسس بالتوازي ان الاذكار بتروح. والصلة بقت تقيلة على قلبك وقيام الليل عليه السلام راح يعني. وآآ
صيام النهار بقت مش عارف ليه بقت تعبان؟ بقت بادوخ. ما بقتش قادر زي الاول - 00:03:01

انا حاسس ان انا لا الصيام ده بقى تقيل على قلبي. آآ بالنسبة طلب العلم الجدول بالسلامة. من زمان ما فيش جدول دورات كتير
بنشتراك فيها ومش بنكملي في اي حاجة. الاذكار لو قلناها فبتبقى تتممة - 00:03:25

زي زي الطلامس كده من غير استفاده من غير اي حضور قلب نتلذذ بمحالس الغفلة. نتلذذ لو قعدنا مع اهل الغفلة. لو سمعنا حتى اللي
بيذكرنا بالله بقى الموضوع تقيل على قلينا - 00:03:43

بقت المقاطع اللي فيها هلس وهزار وضحك واستخفاف وغيبة بقت بتسلينا. والمقاطع الدعوية النافعة ما بقيناش بشغلها زي الاول.
كل الاعراض دي لو لقيتها في نفسك فاعلم ان السيارة ترجع الى الخلف. واعلم ان لن ينفعك اللحية. لن تنفعك اللحية. لن ينفعك

لن ينفعك الخمار. لن ينفعك ان انت تعرف كل الدعاء وكل الشيوخ ومتابعهم وعامل فولو ولايك لن ينفعك الا العمل الحقيقي على الارض ما الذي تفعله في خلوتك ما الذي يراه الله منك - 00:04:27

في ظلمات الليل وفي غرفتك وهي مغلقة عليك شف ربنا بيقول ايه عن النبي والصحابة؟ ان ربك يعلم ان ربك يعلم انك تقوم ادنى من ثلثي الليل ونصفه وثلثه جلوسه وطائفة من الذين معك - 00:04:45
والله يقدر الليل والنهاير لو قلنا شي لنا ان ربك يعلم انك وتكلمنا عنك انت بقى اتكلمنا ايه عنك انت. وقلنا يلا اكمل الجملة الاتية. اكمل الجملة الاتية ان ربك يعلم انك - 00:05:05

اكمل جملتك الشخصية بص جملة الصحابة هي كده ان ربك يعلم انك تقوم ادنى من ثلثي الليل ونصفه وثلثه طائفة من الذين معك دي الجملة اللي لو قلنا للنبي عليه الصلاة والسلام اكمل وقلنا للصحابه اكمل هيكمروا كده. يلا اكتب دلوقتي جملتك الشخصية - 00:05:25

ان ربك يعلم انك وانكدي بعديها نقطه كده. هي دي مش اية مش هتبقى اية دلوقتي. هي دلوقتي جملة انت هتختبرها لنفسك. وهتكتب فيها الحقيقة حقيقة نفسك سببك من اللي بيقولوا عليه الناس. الناس بيقولوا عليك شيخ. الناس بيقولوا عليك مولانا. الناس بيقولوا عليك اختنا. الناس بيقولوا عليك - 00:05:52

المعلمة الناس بيقولوا عليك اللي فاهمة المتدينة المنتقبة المختمرة والاخت الصالحة. دعك من كل هذا. ان ربك يعلم لم يعلم ايه بقى؟ ده اللي يعلمه الناس لكن ماذا يعلم الله؟ الله ماذا يعلم الله عنك - 00:06:15

هذه هي دي المسألة التي ينبغي ان انت تقعد تفكر فيها كتير. عندما تقرأ هزه الآية. تقعد كتير قوي تفكر في الكلمة ديت. ياه هي لو الآية دي نزلت فيها انا فهيتقال لي ايه بقية الجملة - 00:06:32

ان ربك يعلم انك هل هيتنقال انك تقوم ادنى من ثلثي الليل؟ ولی انك تقعد على اليوتيوب عشر اربع ساعات بالليل بلا اي فائدة. ولا انك تقلب في مقاطع التيك توك بالساعات بلا فائدة. ولا انك تقلب - 00:06:47

في الانستجرام بالساعات بلا فائدة. ولا انك آقاعد بتقلب في التفاهات بلا فائدة. ولا انك شاهد اباحية واسوأ بكثير. ولا انك انت بتكلم شات مع بنات بالليل. اه ولا انك انت غافل لاهي - 00:07:09

في لاعب ولا انت نايم بتنام بالعشرة والاتناشر والخمسناشر ساعة ولا انت ما بتتصحاش الفجر؟ ولی انك آآ يعني بتقعد بقى بتتكلم بقى في غيبة ونميمة وتجيب في سيرة الناس وتقعدي تجيبي في سيرة - 00:07:29

هي تسير الدية تسير الدية ودي لزة المجلس بتاعتك. ولو فتحتي المصحف ما بستتحمليش تقعدني صفحتين ثلاثة بتزهقي. انت ممكن تقعدني ساعة وساعتين مع زميلتك في التليفون تتكلمي على فلانة وفلانة غيبة في غيبة. وشفتي المقطع ده شفتي المقطع دوت وشفتي الفيديو ده وشفت - 00:07:47

البلوجر ديت عملت ايه؟ وشفت البت دي عملت ايه؟ وشفت البلوجر دي نزلت ايه؟ والبلوجر ديت لابسة ايه؟ واليوتيوبر ده نزل ايه؟
وبنقدر طول الليل في الموضوع ده ودي منتبة ودي بخمار وده ملتحي - 00:08:07

لكن تطال عليهم اللامد. طال عليكم اللامد. فقس القلوب. قست القلوب. وبالتالي لما تقسو القلوب يصل امري الى الفسق وكثير منهم فاسق وكثير منهم ايه؟ فاسقون. نسأل الله السلامة - 00:08:22

والعافية. فازا وجدت هزه الاعراض مع اه زي ما قلنا انك انت بتتحس الاذكار بدأت ايه؟ تريج منك شوية وحاسس ان حتى لما بقول اذكار الدنيا واقعة ورد القرآن ريح وطلب العلم في المواسم ومتابعة الدورات والاكاديميات مع - 00:08:43

سلامة وقيام الليل بقى ركعتين او ركعة احيانا ده لو قمت اصلا وصلة الجمعة راحت الصلاة في اول الوقت راحت. الصلاة الطويلة الطويلة اللي انا اقعد اصلني صلاة طويلة فعلا. اطول في الصلاة كده راحت - 00:09:09

والصلاه ما بيقاش فيها خشوع السلامه. مع احساس ان انا بقت شبه الناس. بقى بتكلم زي الناس. وبيحب احب اللي بيحبه الناس

بخاف من اللي بيخاف منه الناس. فرحنى اللي بيفرح الناس. مواضيع بقت زي مواضعهم. طول النهار بتكلم في الدنيا. طول النهار بنضحك ونهرز - 00:09:29

فاعلم ان الالتزام يرجع الى الخلف انتبه من فضلك التزامك يرجع الى الخلف انتبه من فضلك قال عليك الامد انتبهي من فضلك. لقد قسى القلب واوشك على الموات وانا جاي النهاردة - 00:09:48

هلق نفسي والحقك ونتكلم شوية بصراحة. ما حدش شايفنا احنا في لايف وقاعدin مع بعض يعني ما لو ما لحقناش بعض دلوقتي ما حدش هيلحقنا. احنا بنطلع برة في الواقع ما حدش بيكلمنا عن ربنا - 00:10:10

احنا بنيجي هنا بنفضفض. بنيجي في الليف يوم الاثنين نفضفض بنقعد طول الاسبوع بنقابل ناس ودنيا وناس بتتكلم في الدنيا والاسعار والدولار والكلام دوت نيجي يوم الاثنين كده نقعد مع بعض كده. نشتكي لبعض همومنا. هاقول لكم ازيكم عاملين ايه. وحشتوني. ما تكلموني عن ربنا. ما تشجعوني اتكلم - 00:10:26

ما تخلوني اذكر نفسي بالله. وانا اذكركم بالله. ونقعد نلحق في بعض. ما فيش بقى الشيخ علاء وانتم الطلاب والكلام ده. لا احنا قاعدين كده قاعدة ونس مع بعض. وكل - 00:10:49

واحد فيكم بيزكرنا بالله. والكومپونتات دي بتذكرنا بالله فبنيجي فوق نفسنا ناخد قلمين كده يوم الاثنين الساعة تسعه وبعد كده بعد القلمين دولا نيجي تاني ننزل في الدنيا بس على الاقل مش هرجع زي ما كنت هحاول افوق شوية افوق يومين ثلاثة لغاية ما يجي - 00:10:59

اللقاء اللي بعد كده قسوة القلب لو حصلت فدي اكبر مصيبة ممكن تحصل لك. ليه؟ لأن ربنا قال فقست قلوبكم وكثير فقست قلوبهم وكثير منهم فاسقون. اول ما تبدأ القسوة يبدأ الفسق - 00:11:18

الفسق يعني ايه الفسق؟ يعني الخروج عن طاعة الله تعالى. وتبدأ انت فعلاً تشعر بكده بعد فترة معينة. آه مش هنقول الفسق بقى ان انت بتزني وبتشرب خمرة مش ضروري. يعني مجرد ان انت بدأت تخرج عن طاعة الله ده اسمه فسق لأن كلمة فسق في اللغة - 00:11:40

يقال فسقت الحبة اذا خرجت من الايه؟ من الغشاء بداعها مخالفة سقت في اي حاجة خرجت بيكال فسقت. فمجرد انت تخرج عن طاعة الله ده درجة من الفسق تعالى دلوقتي نقول هل قست القلوب ولا لا - 00:12:00

انا اسألكم بالله واحنا دلوقتي بنكلم ناس غالب الزن اللي قاعدين معی دول ناس بيقربوا من ربنا تمام؟ ويمكن في ناس بقى لها سنين بتقرب من ربنا. انا اسألكم بالله - 00:12:18

مش في منة اللي رجع رجع يعني يمكن زمان تعالى قارن بين نفسك من تلت سنين اربع سنين وبين دلوقتي المفروض نزريا ان انا بازيد في الالتزام. المفروض نزريا ان انت كل شوية بتقرب من ربنا بتزيد - 00:12:34

طيب اسألك سؤال. اسألك سؤال هل ورد القرآن بتاع دلوقتي اكبر ولا ورد القرآن اللي كان من سنة او سنتين سؤال محرج اسألك بالله هل روئتك لمقاطع افلام مسلسلات بل واغاني دلوقتي - 00:12:51

وانك انت بدأت تتألف مع الموضوع ده زي حال قلبك مع نفس المقاطع ديت ونفس الاغاني نفس الافلام نفس المسلسلات من تلت اربع سنين المفروض تكون اشد بغض لها المفروض تكون اشد بعد عنها - 00:13:20

فلو حصل العكس بيقى فيه حاجة غلط. هل استيقظك وانتظامك على صلاة الفجر. دلوقتي بعد سنين الالتزام ديت زي من تلات اربع سنين هل حرصك على الصف الاول زي من اربع سنين؟ هل حرصك على تكبيرة الاحرام زي من تلات سنين - 00:13:38

احنا بنهاي قست قلوبكم قلوبهم وكثير منهم فاسقون. بدأنا نخرج عن طاعة الله تعالى. هو ده الفسق بدأ منا اللي بدأ يسمع اغاني عادي خلاص كل الناس بتسمع اغاني. الاغاني بقت بتملأ السهل والوادي. الاغاني بقت في كل المقاطع وفي كل الفيديوهات خلاص. انا بدأت انا رجعت تاني اصلا - 00:14:03

في اللي بدأ يرجع يسمع الكوري والاجنبي والعربي وفي اللي بدأ يتألف مع مسلسلات عنده نتفليكس في البيت. في منا ملتزم مين؟

واخوات بقى عندهم نتفليكس في البيت بقوا بيتفرجوا عليها عادي. وبيقول لك يعني ده مش زي السينما ده حاجات بسيطة وهو مش عارف ان دي اخطر كمان من السينما - [00:14:29](#)

دلوقتني بقى فيه تساهل في الغيبة. ما بقاش موجود في الاول. فدي علامات قال قال عليهم اللام فقست قلوبهم وكثير منهم ايه؟
فاسقون طيب ربنا زكر القسوة في اية تانية. وهي - [00:14:53](#)

قوله تعالى ثم قست قلوبكم من بعد ذلك فيها كالحجارة او اشد قسوة. وان من الحجارة لما يتفجر منه الانهار وان منها لما يتشقق
فيخرج منه الماء وان مني لما يهبط من خشية الله - [00:15:12](#)

الله بعاقل عما تعلمون المسال ده ربنا ضربه بيشبه به بين القلب القاسي وبين الحجر بيقول فهي كالحجارة. وبعد كده قال او اشد
قصوة يعني بل اشد قسوة. ليه؟ لأن الحجر مهما قسى - [00:15:31](#)

فهو في النهاية بيتفاعل مع حب الله تعالى. ويتأثر ويخشى الله سبحانه وتعالى فالحجارة يتفجر منها الانهار لكن انت عينك بقت
جامدة الحجارة يتشقق فيخرج منها الماء انت عينك ما بتدععش بقى لها شهور - [00:15:55](#)

منها ما يهبط من خشية الله. انت قلبك ما بقاش يهتز من خشية الله زي الاول بقت بتعمل حساب للناس. اكتر ما بتعمل حساب لله
عشان كده بيقولوا من علامات قسوة القلب جمود العين. العين تبقى جامدة - [00:16:17](#)

ما بقاش فيه البكاء زي زمان. زمان كانا نسمع الدرس نبكي. زمان كانا نسمع القرآن نبكي زمان كانا نحضر الجنائز نبكي زمان كان
نشوف العبر والمواعظ والآيات حوالينا في من حولنا في هلاك الظالمين وفي حسن الخواطيم. وسوء الخواتيم كان نتأثر ونبكي -
[00:16:36](#)

لكن دلوقتني معهد هناك لا تأثير ولا بكاء نسأل الله السلامة والعافية. وربنا ذكر ربط بين انهمار الدموع او انهمار المياه قسوة القلب
وكلما قسى القلب كلما قل انهاره. وكلما جمدت جمدت عينه - [00:17:01](#)

الصعب بقى من كده المرحلة الصعب قول الله تعالى فيما تقضهم ميتا لهم لعنهم وجعلنا قلوبهم قاسية واجعلنا قلوبهم ايه قاسية
يحرفون الكلم عن مواضعه يحرفون الكلم عن مواضعه ونسوا حظا مما ذكروا به - [00:17:23](#)

ربنا بيقول ان قسوة القلب وصلتهم ان هم كمان نسوا دينهم وكمان عايزين يحرفوا في دينهم وده بتلاقيه بعد قسوة قلب. للأسف بقى
دلوقتني في ناس من اللي كانوا شايفين ان كذا ده حرام خلاص. كان شايف ان كذا ده حرام - [00:17:59](#)

بقى دلوقتني بيقول يا جماعة يعني ليه حرام طب ما انا سمعت في شيخ بيقولوا حلال ليه ليه ربتونا على الحاجات دي ان هي
حرام طب ما يا جماعة ما هو في ناس في كلام تاني في حاجات بتتغير - [00:18:19](#)

في ثوابت كان زمان حاجات خلاص انت الفت ان هي غلط. دلوقتني بقت بتدور على فتاوى تحللها لك ده فيزا كان زمان الواحد
خلاص ما فيش كلام فواید البنوك الربوية حرام - [00:18:38](#)

خلاص وده موضوع ما فيهوش كلام. كل العلماء الموسيقات قالوا فواید الملوك الربوية حرام. دلوقتني بقى فيه طالع الجيل يقول لك
ايه المشكلة؟ طب هنعمل ايه في الزمن دوت؟ طب ما الازهر بيقولوا حلال. في شيخ بيقولوا حلال. هم. بقى دلوقتني بنتكلم بنفاصل
[00:18:55](#) -

بعد بقينا دلوقتني بنسمع اللي بيقول لك والله ده يعني ما فيش شيخ بيقولوا الموسيقى دلوقتني حلال فيه شيخ بيقولوا والله
بيتكلموا في النص والمرأة والترقيق الحواجب وفي ناس بتفصل وتقول اصل ينفع وما ينفعش. في ناس بدأوا يتكلموا ده في فتاوى
طلعت في لبس المرأة ويعمل - [00:19:15](#)

ازاي دخلنا سيبك من من فكرة ان انت دي فتوى صحيحة او مش صحيحة. فاكر ان انت بتنزل عموما يعني انت بعد ما كنت عامل
لنفسك سقف معين بدأت تنزل منه - [00:19:35](#)

وبتنزل منه مش عشان انت مسلا طالب علم واكتشفت علم جديد لأنت بتنزل من السقف ده لهوا في نفسك انت عايز تنزل بس انت
عايز استشارة عن النزول دوت - [00:19:49](#)

فبدل ما تقول انزل واحس ان انا بعمل حرام لأننا هننزل واجعل وشرعا الانهيار دوت وشرعا النزول دوت وانت مش واحد بالك ان انت مش بتنزل لمجرد لفتوى حتى لو فتوى صحيحة. يعني مسلا مسألة فيها خلاف يا سيدى. المسألة فيها خلاف. واحدة اه كانت طول عمرها للبسة - 00:20:02

النقاب على انه واجب. خلاص بعد كده سمعت بدأ تسمع خلاف نقاب واجب ومستحب. قالت خلاص انا معقدة نفسى ليه؟ طب ما البسه ما اقلعه طالما هو كده كده في خلاف اقلعه. دي مش دي المشكلة. احنا معترفين ان مسألة النقاب فيها خلاف. لكن اختيارك للنزول هو ده الخطر - 00:20:22

الفكرة مش مش هنقطع النقاب وهيفق على كده الموضوع. الموضوع هيكملي ويبيبدأ النزول لمسائل ما فيهاش خلاف خلاف بعد ما بدأنا بالنزول في المسائل اللي فيها خلاف نزلت دايما للقول الأدنى للقول الأقل - 00:20:41
وبسبت القول الاخطو او الاشد ماشي ممكن نعدي دي. لكن المشكلة ان السلم بيكملي بقى. هو اللي بينزل مرة بيكملي نزول. لدرجة ان انت بدأ تتنمى بعض كان ان بعد ما كان كنت شايفها حرام بدأ اتنمى ان هي تكون حلال وبدأت تدور على اي حد يحللها لك مش عشان انت بتبحس عن الحق - 00:20:59

لكن عشان انت بتنهار. فبتدور عن حد يشرعنك لك الانهيار. هتلaci نفسك وصلت لمرحلة عايز الدين يتغير نفسه تحريف هذه مشكلة قسوة القلب. قسوة القلب لها علامات علامات. العلامات دي - 00:21:22

لو وجدتها في نفسك بيقى فعل القلب قاسي منها ضيق الصدر انت عارف زمان كان واحد في بداية التزامه صدره منشرح جدا فرحان بالهدایة بيحب الدين قوي. عايز ينزل الشارع يكلم كل الناس في الدين. عايز يعني بيروح مشتاق لقيام الليل. كان - 00:21:44
صدر منشرح كان بيحب ربنا قوي. بيحب الصلاة قوي. بيحب الدعوة قوي. حب عمل الخير قوي. حب الشيوخ والعلماء. وحب الدروس وعايز طول يومه ما يطلعش من الدروس والعلماء والمشايخ وطلب العلم وقراءة القرآن كان صدره منشرح - 00:22:07
كم فرحان؟ كان سعيد كان طاير بالهدایة ايه اللي حصل حاسس دلوقتي لأننا ما بقتتش فرحان زي الاول. حاسس ان قلبي بدأ ايه؟ صدرى ضيق شوية. ما بقتتش حاسس بالانشراح - 00:22:26

اللي انا كنت حاسس به. افمن شرح الله صدره للسلام هو على نور من ربه فوويل للقاسية قلوبهم من ذكر الله اولئك فيه ضلال مبين. فمن يرد الله ان يهديه يشرح - 00:22:45

صدره للسلام ومن يرد ان يضلله يجعل صدره ضيقا حرجا. فاذا وجدت الان بعد الفترة دي ان العكس المفروض انا كل ما ازيد ايمان ازداد انشراح صدر. لأننا بحس ان دلوقتي بقى صدرى ضيق. خلقي بقى ضيق - 00:23:04
بقيت عصبي ما بقتتش عندي آآ سعة صدر زي الاول ما بقتتش مشتاق للعبادة زي الاول. ما بقاش عندي الحماس الدعوي اللي كان في الاول. انا كنت بيقى عايز اكلم كل البنات اللي في الكلية انا - 00:23:22

انا بيقى عايز عايز كل البنات يسمعوا الدرس اللي انا سمعته انا كنت بنشر وباعمل وبسوبي وكان عندي حماس وكانت ماسكة الكلية وكانت المدرج ده انا لازم اكلم ايه اللي حصل؟ دلوقتي بتتفقى مع البنات بتتكلمي معهم في نفس الكلام اللي بيتكلموا فيه. في الميك اب وفي الاكيل وفي الشرب وفي الدولار بل وفي الولاد - 00:23:37

بعد ما كنت انت انت. اللي كنت نار في الدعوة في الجامعة ايه اللي حصل بتتشايف ضيق في الصدر دايما. ما بقاش فيه الحماس بتصللى الصلاة عايزه تخلصيها ما بقاش فيه الحب حب الصلاة ما بقاش فيه لذة الایمان وحلاوة الایمان فيه حاجة غلط - 00:23:59
فازا من علامات ان في حاجة غلط ان الصدر بدأ يضيق وانشراجه بالهدایة وانشراجه بحب الله وشوقه الى العبادات ما بقاش زي الاول وزي ما قلنا من الحاجات اللي تدل على قسوة القلب - 00:24:20

آآ عدم التأثر بالموعظ والآيات زمان كان الواحد ممكن يسمع قرآن يبكي وهو قاعد وهو قاعد يبكي على طول دلوقتي ولا حاجة زمان كان ممكن واحد يروح خطبة الجمعة يبكي - 00:24:39

فعلا كان يروح خطب الجمعة لبعض الشيوخ والله ما يمكن ابدا خطبة الجمعة الا لازم كل مسجد يبكي. كل المسجد بيقول لك الملزمين

ولا لا كل المسجد ببكي دلوقتي دروس - 00:24:59

بقي الدرس بيتسمع كده يعني ك مجرد ايه ها خلصني يعني قل لنا الكلمتين وخلص. مش قلب بقى سامع قلب حاضر اه بكاء. وان كان في ناس لغاية دلوقتي ما شاء الله عليهم. يعني بيجي لي كومنتات على بعض دروس وقاعدة تقول لي انا ببكي من اول درس لآخره -

00:25:16

يا عيني علي يعني انا اللي اديت الدرس ما بكتش. واحدة رقيقة القلب ما زال في قلبها حياة. تقول انا ببكي من اول الدرس لآخره طب بتبكي ليه ؟ هو مش ضروري ان انا اكون باكلمك عن النار عشان تبكي. انا باكلمك مسلا عن غلام الاخذود. فانت شايف ان انت مقصر مع الله. شايف ناس ثبتت - 00:25:36

شايف مشاهد مصرع الظالمين شايف نصرة الله للمنتقين شايف موافق ايمانية ده بيخليلك تبكي حاسس ان انت بعيد قوي عن ايه ده ؟ الناس دي فين واحنا فين يا جماعة عدم التأثر - 00:25:55

طبعا ضعف الاستجابة. يعني مسلا انت سمعت مقطع دلوقتي على النت. خلاص بقى العادي ان احنا بنقلب في في الفيسبوك او في اليوتيوب او كده. بنسمع بقى مواعظ تثير قوي بقى - 00:26:11

يلا امير منير دقيقتين. يلا علاء حامد دقيقتين. يلا محمد الغليظ تلات دقائق. يلا احمد العزب بتاع اربع دقائق. مع انهم كل واحد فيهيم بيقول حاجة رسالة مفيدة جدا والمفروض انت تنفذ بقى. يعني المفروض تحول للتنفيذ ويبيقول لك حاجة تنفذ حياتك. فانت يعني احسن الاحوال بتسمع للاخر تدي - 00:26:21

تمام؟ كومنت الله ينور يا عم الشیخ جزاکم الله خیرا کمل عادی العادی. ممکن المقطع اللي بعدیه وانت بتقلب كده فيه عکس الكلام اللي زیرو بيقوله. يعني هو كان بيكلمك عن غض البصر مسلا - 00:26:41

جميلة الله ينور يا عم الشیخ الله يکرمک. ربنا يکتر من امسالک. اقلب مقطع فيه واحدة متبرجة عادی يلا بنا اقلبی بعد ما كان بيكلمك على الاغانی والموسيقی وحرام وحلال الله الشیخ امير الله يکرمک اقلب - 00:26:54

اللهم اقطع فيه اغاني وموسيقى ما الحلو ده تعال نخش نسمعه. ما فيش تأثر المواعظ ما فيش تعسر بالدروس بقى عادی بيتفاصل الدرس خلصنا الله مقطع جميل لأن ايه احنا بنعمل علاء شو تمام يعني احنا ايه احنا - 00:27:10

كوميدي ده انا بقف كده على ليه ؟ بقعد هنا في اللييف او بسجل لكم مقطع علشان انا بسلی وقتكم. بنعمل کوميدي او نعمل ايه دعاء شو علاء شو امير شو الغليظ شو. الله حلو المقطع ده يا شيخ انت تعبت فيه. شکرا على المقطع اللطيف - 00:27:26

واحنا هنکمل حياتنا عادي واحنا هنعمل نفس المعاصي عادي. قول بقى اللي انت تقوله احنا كده حياتنا مکملة عادي قسوة القلب من الاشارات ان انت مع ثلاثة لا تتأثر بالمواعظ. لا تتأثر بالآيات - 00:27:43

الحاجة اللي بعد كده ان انت طيب حتى يا عم لو بتعمل معاصي كلنا بنعمل معاصي في قلب حي وقلب قاسي. قلب الحي بيندم. يعني عارف ما احنا بنغلط كلنا - 00:27:59

بس القلب الحي بيندم. بيندم. يتالم. يزعل من نفسه يعني ماشي يا عم احنا غلطنا النهاردة. ما قصرنا في الصلاة. ما صلتتش سمعت مشيت كلمت ولد ماشي بس على الاقل بندم - 00:28:14

على الاقل بزعل من نفسي على الاقل باستغفر لـ احنا وصلنا بقى للمرحلة الاسوأ ان مش بس ان انا بعمل الزنوب لكن ما بقاش فيه الالم اللي كنت بحس به زمان - 00:28:32

ما بقاش فيه الندم اللي كان فيا زمان بقى عادي عادي هي عادي دي كلمة عادي اعرف ان انت خلاص قست قلوبكم انتهى الامر. القلب الان في حالة صعبة جدا - 00:28:44

طالما وصلنا لكلمة عادي. لان هو ما كانش عادي النبي عليه الصلاة والسلام بيقول اذا سرتك حستنك وساعتك سبئاتك فانت مؤمن ازا سرتك حستنك وساعتك سبئاتك فانت مؤمن يعني ايه ؟ يعني بيقول ان انت مش هيقول ان انت معصوم. انت اكيد كلنا بنعمل ايه ؟ بنعمل سبئات. بس بيقول لو انت السينة بتاعتكم بتحزنك - 00:29:02

يبقى لسه فيك خير بتتألم لما تعمل السيئة لسه فيك خير. لما بتصحي ما صلتتش الفجر بتصحي الصبح زعلان من نفسك ولا عادي؟ رحت الشغل عادي؟ لما سمعت اغنية كده في السريع ندمانة متألمة متأسفة على الواقع ولا عادي يعني - 00:29:28

مش مشكلة حصل ايه يعني عادي فيها ايه يا عم الشيخ مشكلة كبيرة تابعت حلقة مسلسل كامل عام خلصت عادي ما ما كانش فيه حاجة يعني. شوية متبرجات على شوية موسيقى. على شوية قلة ادب على شوية افكار فاسدة. عادي يا عم الشيخ ما بنتفرجش على الشروز يعني ما بنتفرجش على الزنا يعني - 00:29:46

اول ما تلاقي عادي دي يبقى انت لا تسوءك حتى الصيام. اذا سرتك حسنتك وساعتك سيئتك فانت مؤمن. اذا اذا لم تكن السيئة سوءك تحزنك. يبقى احنا وصلنا لمرحلة اسوأ - 00:30:07

تمام بعد كده بيقول لنا من علامات الموضوع دوت زي ما قلنا قبل كده جمود العين جمود العين بيقول لنا هنا عن احد السلف قال بلغني انه من بكى على خطبته محبت عنه - 00:30:26

عشان تعرف قد ايه انت تحتاج لدمع العين. دمع العين ده ما بنشووفوش الا في رمضان دلوقتني. يعني بقى دلوقتني الجامد جامد فينا بيبكي في رمضان متخيلين؟ الجامد بيبكي في رمضان - 00:30:52

الجامد بيبكي مرتين ثلاثة في رمضان. اللي هو في ليلة سبعة وعشرين وفي تهجد الختمة مرة كده في صلاة الفجر. ده الجامد اللي هو بيبكي تلات مرات في السنة والثلاثة في رمضان - 00:31:09

لكن فين بقى اللي بيبكي كل يوم يخرون للازقان بيكون ويزيدهم خشوعا. خلونا الازقان هي تكون ويزيدهم خشوعا. ده العادي بتاعهم. وازا سمعوا ازا سمعوا ما انزل الى الرسول ترى اعينهم تفيض من الدمع. مما عرفوا من الحق - 00:31:27

ما عرفوا من الحق يقولون ربنا امنا ربنا امنا فاكتبنا مع الشاهدين بمجرد ما سمعوا ما انزل اليه الرسول ترى اعينهم ايه؟ تفيض من الدمع. مما عرفوا من الحق. يعني ده العادي بتاعهم - 00:31:52

ده العادي بتاعهم احنا بنبكي في الموسم مرة احنا بنبكي في السنة مرة وبنبكي كثير بقى طول السنة على حاجة ما لهاش دعوة بالدين بنبكي على الدنيا وبنبكي على الفلوس وبنبكي على المناصب وبنبكي على احداش دنيوية عادية - 00:32:09

لكن بنبكي من خشية الله كل سنة مرة في العمرة في رمضان في ليلة القدر وبتكلف عشان المسجد كله بيبكي بس بالعافية. لكن انا لو علي انا لو لوحدي ما كنتش بكتيت اصلا حد - 00:32:26

وقال ابو حازم بلغنا ان البكاء من خشية الله هو مفتاح الرحمة. اذا من لا يبكي كيف يرحم؟ وقد جاء في الحديث عينان لا تمسمهما النار عين بكت من خشية الله. وعين باتت - 00:32:40

تحرص في سبيل الله وقال احدهم بلغنا ان البكائين هم اول من تنزل عليهم الرحمة اذا نزلت البكائين لو ربنا بينزل رحمته على العباد بيببدأ بالبكائين لما ربنا ينزل رحمته على العباد - 00:33:02

يببدأ بالبكائين دولا اول ناس تنزل عليهم تنزل عليهم الرحمة. فشوف بقى بعدنا يعني عن هذه المنازل. ليه؟ اول ما تلاقي العين جمدت بيكى انت اقسى من الحجارة لان من الحجارة لما يتفجر منه الانهار. وانت جمود العين - 00:33:24

ومن علامات قسوة القلب ايضا اه من علامات قسوة القلب ايضا الكسل عن الطاعة. الكسل عن الطاعة تمام؟ فيجد الانسان بعد فترة انه صار كسول عن الطاعة. لا يكاد يقوم الليل الا اذا نادر. واذا قام - 00:33:47

مسيرا يصوم كل فين وفين يصوم يوم وبيبقى تقيل على قلبه او اي ادا قرأ جزء من القرآن يعني بيبقى بشق الانفس. مش قادر يقرأ اكتر من جزء من القرآن. في ناس ما بقدرش اصلا لا جزء ولا ولا - 00:34:08

ولا حتى حزب فتمام فديت مسألة مؤلمة جدا. تمام؟ بيجد ان بقى عنده حالة من التوسع المباحثات حالة من التوسيع في المباحثات فيبيتوسع قوي في المباحثات بقى اغلب يوم ونوم - 00:34:24

بقي آآ بقى عنده تساهل في حاجات ما كانش فيها قبل كده. ابتدى المعايير عنده تختل. بعد ما كان عنده حزم في موضوع معين لأ دي مش هعملها بقى بيعملها عادي ما بقاش مم فين - 00:34:45

زمان ما كتشش كده. نوافل كتير كان بيعملها بدأ تروح منه. ازكار كتير كان محافظ عليها بدأ تروح منه جداول والتزامات ونظام ومنهجية كان محافظ عليها بدأ تهابي منه حتى في مواسم الخير - 00:35:04

بيضيع رمضان بيعدى يمكن ما بيلحقش يختم خاتمة كلكم في ناس بيعدى عليها رمضان ما بتختتمش خاتمة واحدة. انت متخيل تمام؟ بيعدى عليه العشر الاول من ذي الحجة مع ان الدعاء بيقعدوا ينزلوا الف مقطع قبل ذي العشر الاول من ذي الحجة. وهو بيقعد يعني نفسه. انا هبقى التنين في - 00:35:27

لولا وحامل وهسوبي عدى العشر الاول من ذي الحجة ولا عمل حاجة احب الايام الى الله عادي عدوا زي اي ايام عادي. هو يعني الجمدان بتاعه يمكن صام شوية وصام عرفة وجبرت كده وخلص - 00:35:51

ما فييش اي تميز في اي حاجة ما فييش الجمدان اللي هو كان متخيله. حتى موسم الطاعة نفسه بيروح منه اذا كان الموسم بيروح منك. اذا كان ليلاً القدر يا دوبك صليت التراويح. اذا كان العشر الاول ما صمتش غير عرفة - 00:36:08

انت عايز ايه؟ انت لسه بتسأل قلبي قاسي ولا لا انت اتغيرت خلاص انت ما بقتتش انت ما بقتتش بتاعة زمان. ولا انت بقيت كده فلازم نفوق. ما بقاش الانسان حتى وهو بيؤدي الطاعة. نفترض الانسان حتى بيؤدي الطاعة ما بقاش يشعر بحلاوة الطاعة - 00:36:26

فين حلاوة الصلاة؟ فين خشوع في القرآن؟ عشان كده احد الناس عصى الله يوما او عصى كان بيعصي ربنا كتير مفروض ان المعصية تسبب قسوة القلب. فمرة قال كده فقال يا ربكم اعصيك - 00:36:47

ولا ولا تعاقبني بالك قال يا ربكم اعصيك ولا تعاقبني حلو بيقول يا ربكم اعصيك ولا تعاقبني فاوتي له في المنام. جا له من ام في نفس الليلة - 00:37:04

فقيل له كم اعاقبك وانت لا تدري كم اعاقبك وانت لا تشعر الم احرمك من لذة مناجاتي بيقول لك يا ربكم اعصيك ولا تعاقبني؟ فجاء له في المنام. قال كم اعاقبك وانت لا تدري - 00:37:21

وكم اعاقبك وانت لا تشعر الم احرمك من لذة مناجاتي الم احرمك من لذة مناجاتي؟ يعني قيام الليل سابت زي ما هو هو بيقول انا انا الصلاة زي ما هي الصيام زي ما هو ده ايه ده كمان ده الصلاة عنده زي ما هي ده احنا الصلاة راحت - 00:37:44

لا ده هنتكلم في واحد الصلاة زي ما هي. الصيام زي ما هو. ورد القرآن وزي ما هو بس فين العقوبة؟ اتحرم من الليه؟ من اللذة اتحرم من الحلاوة. اتحرم من الخشوع. اتحرم من التدبر. اتحرم من جمال المناجاة. اتحرم من بكاء العين. اتحرم من - 00:38:03

اطالة السجود اتحرم من دعوة من القلب اه اه صح انا حصل لي كل ده فعلاً صحيحة. ايه ده انا فعلًا هصلّي كل ده انا بقيت انا بقيت بصلي زي الاول - 00:38:22

انا بقرأ قرآن مش زي الاول. انا ما بقتتش صح؟ صح. ايوا صح. انت تعاقب. انا وانت بتعاقب ده الرجل كان يعني ازا الحرمان حتى مش بس مش هقول الكسل عن الطاعات. يا عم الطاعات زي ما هي - 00:38:35

يعني ايه عندنا مستويين؟ المستوى الاول نطلعات زي ما هي بس تحرم من من المادة الفعالة اللي فيها. ما فييش خشوع ما فييش تدبر ما فييش حلاوة الكلام اللي بنسمعه عن السلف بقى ايه؟ لو علم الملوك وابناء الملوك ما نحن فيه من السعادة لجال دون علي بالسيوف. فين الله؟ آآ واحد - 00:38:53

بيقول ان اهل الليل في ليهم الذ من اهل الله و في لهوهم فين الكلام ده؟ آآ واحد يقول والله لو ان اهل الجنة في مثل ما انا فيه من السعادة لهم في عيش طيب. فين الكلام ده؟ انا مش حاسس - 00:39:12

ايه الكلام ده؟ اه، ما انت اتحرمت خلاص. اتحرمت من اللذة دي ، مع انا كنا بنحس بها زمان. كان واحد احياناً بيجي له احياناً اوقات يصلّي صلاة يقول والله ده لو لو - 00:39:27

الجنة زي الصلاة اللي انا فيها دي فعلًا بتبقى الجنة جميلة. ويقول فعلًا والله العظيم الواحد يعني سمعه للقرآن الز من سماع الأغاني. ده كلام كنت زمان كنا بنقوله وبنحسه - 00:39:37

دلوقتني لأنقول وبس مش بنسه احنا دلوقتني بنقول ان لذة سماع القرآن از من الاغاني والمسلسلات والافلام والموسيقى. لكن الواقع غير بقى غير كده. بقىت انت ايوة انت ايوة انت - 00:39:49

بتتلزمي بسماع الموسيقى والاغاني والافلام اكتر من تلزك بسماع القرآن وما تضحكيش على نفسك يبقى الحرمان من اللذة نفسها.

من حلاوة الايمان. المرحلة اللي اسوأ بقى ان الحرمان الحرمان من من الطاعة نفسها. نبتدى قيام بيقل الورد يروح - 00:40:05

قرض السلام نسأل الله السلامة والعافية. طيب خلينا بقى نقول بعض الايه الاسباب والعلاج في النهاية. كل سبب عكسه علاج يعني لو

قلنا كل سبب هيبيقي قصاده علاج. من الاسباب - 00:40:23

كثرة بص خلينا نقول اللاتين مع بعض عشان ايه الوقت. هنقول السبب قصاده العلاج على طول من الاسباب كثرة الكلام بغير ذكر الله تعالى كثرة الكلام بغير ذكر الله تعالى - 00:40:40

احنا عايزين نكون في الحلة دي نخلي بالننا. لأن احنا بنتسحب بنتسحب بنتنعد مع الناس بنتكلم زي الناس اه بقينا عد كده انا عايزة

تقعد بمنصف مع نفسك في يوم في اخر اليوم تقعد مع نفسك - 00:41:01

وتقعد تقول انا النهاردة اتكلمت في ايه انا النهاردة اتكلمت في ايه؟ من اول اليوم لآخره. قعدت معه. قعدت مع البنات في الجامعة.

اتكلمت في ايه؟ في المواصلات اتكلمت في ايه؟ في البيت اتكلمت في ايه؟ في التليفون - 00:41:20

اتكلمت في ايه؟ وقولي لي نسبة الكلام في الدنيا كان نسبةكم من كلامك هتعرفي ساعتها يعني ايه؟ ايه السبب ان القلب بيقسوا؟

يبقى اول سبب ان احنا نكثرنكثرة الكلام بغير ذكر الله تعالى - 00:41:33

نكثرة الكلام في الدنيا بلا طائل. يعني ما اكيد كلنا هنتكلم في الدنيا لو في حاجة مهمة. ما انا عائز اشتغل وعائز اشتري وابيع ماشي

بس ده حاجة مهمة بنتكلم بلا فائدة. كتير كتير طول النهار بنتكلم كل الترندات بنتكلم فيها. كل الهرى بنتكلم فيه. كل - 00:41:52

الحوارات اللي على النت لازم نقول رأينا فيها. كل البلوجرز بتعلق عليهم. كل الفيديوهات المشهورة لازم ننادله تحكيها ايه انت عايزة

قلبك يرق ازاي وانت اغلب او تسعين في المية من كلامك هو في الدنيا - 00:42:11

يبقى لازم الاول نعمل ايه؟ وقف شوية انا لما يجي الناس يتكلموا طالما الكلام ما فيش فايدة بالنسبة لي ما فيش حاجة مهمة مش

هاتكلم اسكت اسكت. طب اسكت بس لأ خليني اخش في العلاج بقى. ما هو العلاج العكس العكس يبقى العلاج. ايه هو؟ ان تكسر من

ذكر الله سبحانه وتعالى - 00:42:30

اثرت زكر الله سبحانه وتعالى. عشان كده ايه؟ العكس بقى. لما انا اقول لك كثرة الكلام في الدنيا سبب للقصوة نعكس. يبقى كثرة

الذكر هو علاج هو العلاج. لذلك قال رجل الحسن البصري اني اشكو قسوة قلبي - 00:42:51

اني اشكو قسوة قلبي فقال اذبه بالذكر اذبه دوبه بالذكر. وقال بهيب بن الورد لم نجد في حياتنا ارق لهذه القلوب من قراءة القرآن

بفكروتببر. ما هو ده من الذكر؟ فعشان كده بقول لك انت قاعد مع الناس دلوقتني. هم قاعدين يتكلموا في الهرى وفي الدولار وفي

الدينار - 00:43:09

وفي في رجلين الفراخ وفي الصدور البانية احنا ما لنا احنا من الدنيا دي لا رزق بيزيدي ولا بيقل هو مجرد فضة

وتهيادات الناس قاعدين تتمهد فيها ايهرأيك انت تقعد تقول سبحان الله والحمد لله ولا الله الا الله والله اكبر وانت بتتدربرها مش -

00:43:35

بس بتقولها قل سبحان الله وبحمده سبحان الله العزيز. اقعد قلها. قل لا الله الا الله وحده لا شريك له. له الملك وله الحمد وهو على كل

شيء قدير. واقعد كده اجرب انك انت تقعد شهر شهر من الان - 00:43:55

متماسك تقدر تحكم في نفسك وانت عندك شهوة انك تتكلم عايزة تقول رأيك عايزة تدللي بدلوك عايزة تضحكهم عايزة تبين ان انت امور

تفهموا وعايز ابقى الملائم الكيوت الجميل اللي عشان يحبوني. لأ - 00:44:14

انت مش تبقى الملائم الكيوت الجميل اللي هيحبوه. انت هتبقي ملائم بينهار وهيحترقوه لأنهم كانوا بيحترموك لما كنت ملائم.

كانوا بيحترموك لما كان لك ثوابت ولما كان لك حاجات مش بتتنازل عنها. اول ما اتنازلت عنها بزعم انهم يحبوني ويحبوا الدين. ما

بقوش لا يحبوك ولا يحبوا الدين - 00:44:30

وانت خسرت وهم خسروا نجده ما تتكلمش وحاول ان انت عود نفسك افتكر اللي انا بقوله لك ده. حاول ان انت اقول ايه. طب انا ما لوش لازمة الكلام. انا هقدر اذكر ربنا في سري. هقدر افتح - 00:44:53

مصحف هقرأ قرآن بس. وشف بعد شهر الفرق اللي هيحصل في قلبك. تحس فيه تطور كبير في حال القلب. بعد ما انت قاسي شوية تحس ان هي بدأت بدأت تفك شوية. تمام؟ فهو اصل الاصول كما قال ابراهيم الخواص. قال دواء القلب خمسة - 00:45:10

اشيء دواء القلب خمسة اشياء قراءة القرآن بتفكر. وخلاء البطن. بطنه ما تباقاش مليانة. وقيام الليل والتضرع في السحر ومجالسة الصالحين. تاني دواء القلب في خمسة اشياء. قراءة القرآن بتفكر - 00:45:31

خلاء البطن قيام الليل والتضرع عند السحر ومجالسة مين؟ الصالحين. يبقى انا عايز احاول كمان اطور بعد كده. ان انا انا ليه اصلا بجالس الناس اللي بيتكلموا في الدنيا؟ يعني - 00:45:53

ده ايه اللي يخليني اجالسهم واقعد اعاني عشان ما اتكلمش معهم؟ طب ما اجالس الناس اللي بيتكلموا في الاخرة قدر المستطاع هم عملة نادرة طبعاً دلوقتي بس يعني حاول يبقى كده عندنا ايه؟ قسوة القلب سببها كتر الكلام في الدنيا وقلة الكلام في الاخرة. ويا ريت ايه رأيك بقى نعمل حاجة تانية؟ ان انت انت اللي - 00:46:06

امسك دفة الحوار. بمعنى وانا ليه اقعد اتكلم في الذكر لوحدي وهم برضه قاعددين يتتكلموا في الدنيا؟ طب ما انا افتح موضوع اخروري بقول يا جماعة النهاردة سمعت درس حلو عايز اقول لكم على مختصر له كده. يا جماعة الدنيا يا اخوانا طب بص اسمعوا كلام ربنا اسمعوا الحديث ده بس - 00:46:26

عشان برضو نفوق يا جماعة. طب ما تصلوا على النبي عليه الصلاة والسلام. طب ما يا جماعة طب نقعدوا نستغفر شوية كفاية بقى كلام في الدنيا ارحمونا بقى شوية. انت تدير - 00:46:45

دفة الحوار بحيس ان انت تنزههم وتبقى دعوة الى الله. ويبقى انت انقذت نفسك. ما هم لما يعني يغيروا الحوار انا نفسي هستفيد مدحية الحاجة اللي بعد كده بيقول كثرة الضحك. دي جاء فيها حديث صريح - 00:46:55

النبي عليه الصلاة والسلام بيقول لا تكتروا الضحك فان كثرة الضحك تميت القلب. وده السبب الثاني كثرة الضحك تميت القلب. تميت الایه؟ القلب يقصد بالضحك اللي هو بصوت ان انا اضحك اكتر كده اطلع صوت كده فاهم؟ او اي صوت حصل كل واحد وصوته يعني. بس هو الضحك - 00:47:14

الضحك اللي هو بصوت كثرته بقى تميت القلب. يبقى احنا عندنا اه ما لوش التبسم ما لوش علاقة بالقصة ديت. يعني التبسم. بعض الناس في التبسم ده لأنّ. فهي عايز يقعد مكشر - 00:47:39

افتكر كل ما يكشر اكتر كل ما التزامه يزيد. وده غلط كبير. هي بالعكس كان النبي عليه الصلاة والسلام دائم التبسم. دائم التبسم كان يتبسم دائماً عليه الصلاة والسلام. التبسم لا يؤثر على القلب. بالعكس هو من من اشراح الصدر ومن جمال الوجه ومن السنة - 00:47:56

انما الضحك كركرة يعني نضحك تضحك كركر. طلع صوت فما حدش بيعمل ضحك بصوت الا لو كان فعلاً بقى يعني ايه يعني يعني معلش المسلم مهما كان عنده هموم دايماً. عنده بيفكر في الموت بيفكر في الرحيل بيفكر في تقديره. بيفكر في الام المسلمين. بيفكر - 00:48:16

في ذنبه بيفكر في في الدعوة عنده مشاغل. بتخلية بيفضحك بس مش كتير يعني. فيبتسن كتير بيفضحك قليل بس ضحك الكتير دليل على الغفلة. فالانسان يخلي بالله يعني الناس الموضوع بقى يلا نقدر قدام مسرحية نضحك ساعتين - 00:48:37

ثلاث ساعات. تلات ساعات ضحك متوسط. تلاقي مقطع كده على اليوتيوب. مقطع اليوتيوب مكتوب ايه؟ ضحك بلا فواصل. صح ضحك بلا فواصل ويقول لك آآ مقطع تاني اضحك مع فلان ساعة متواصل من الضحك - 00:48:58

آآ اتحداك مقطع اتحداك الا تضحك. آآ مقطع تاني كوميدي هيضحكنا ساعة واحنا بنخش نترج على الحاجات دي كلها. ونقدر نضحك

وتنقلب على ضهرنا كمان. بالساعات بنضحك وتنقلب على ضهرنا - 00:49:17

صح انا بجيبي لنفسي قسوة القلب. ما فيش مانع ان انت تضحك احيانا حصل قدامك موقف مضحك يعني ممكن اضحك شوية.
واطلع صوت كمان بس مش كتير تلم الدنيا شوية. كسرة الضحك تميت القلب - 00:49:40

يبقى العلاج انسان لا يكثر من الضحك. ويتجنب الحاجات اللي هي بتغفل نفسها. لما انا اقول لك انت تخش تتعمد تتعقد
تنفرج على حاجة بتضحك بالاربع ساعات وقعدت اربع ساعات بتضحك كركر. ما اعمل لك ايه انت اللي جبته لنفسك. يبقى انا بقلل
الكلام دوت. اقلل - 00:50:00

ال الحاجات اللي هي الناس هتخليني اضحك بقى ومش عارف ايه. صدقني الضحك ده مش هيخليلك سعيد طب انت عايزني على
الكتاب لأ على كتاب يعني يا عم بضحك يا عم اتبسط شوية كنت فاكر ان الضحك ده انبساط الضحك ده مسكن - 00:50:21

مسكن واحد بيتألم عشان ينسى المهم بيسكنه بشوية كركرة. ضحك. مجرد ما الضحك ينتهي سيعود الالم مرة ثانية ينتهي مفعول
المسكن ونعود الى الالم مرة ثانية اما السعادة الحقيقية فهي ما استقر في القلب - 00:50:36

والضحك لا يؤدي الى سعادة تستقر في القلب. وانما السعادة تستقر في القلب بالله هو الذي انزل السكينة في قلوب المؤمنين هو الذي
انزل السكينة في قلوب المؤمنين. فانزل الله سكينته سكينته - 00:50:54

على ر Sovli وعلى المؤمنين كفر عنهم سيناتهم واصلاح بالهم هو اللي بيعمل كده. فما تفتكرش ان انا لما اقول لك ما تضحكش. انت
عايز نكتئب بالعكس ده كسرة ضحك دي مسكن. ستعود اليك الالم عن قريب - 00:51:15

زي الناس يقول لك يا عم تسيبني ننفرج على على على الماتشات سيبينا ننفرج على المسلسلات. بنرفعه عن نفسنا شوية انت بتسكن
الالم بس تاني يوم تاني يوم من الماتش هتلالي مشاكلك زي ما هي - 00:51:36

بل القلب سيسقو اكتر وتزداد المشاكل. يعني انا لما ضحكت وقعدت في مسرحية اتفرج عليها تلات ساعات ضحك. حلو ايه اللي
حصل؟ ده مسكن. المسكن ده زي ما بيخلينا طبيا نقول المسكن ده كان دكتور قال لك ما تاخدي منه كتير عشان اه هيسكن لك الالم
بس هيزيود المشكلة - 00:51:50

فاخنا عملنا كده خدنا مسكن سكن لنا الم تلات ساعات بعد كده الالم عاد والمرض زاد يعني انا لما اقول لك لا تكثر الضحك
علشان قلبك لا يقسوا. ولما قلبك يلين هي دي السعادة بقى - 00:52:11

فالحقيقة انا بذلك على روشتة السعادة مش بمنعك من السعادة شغل مخك معك بعد كده بيقول لنا من اسباب قسوة القلب كثرة
التوعس في المباحثات توسع في المباحثات يعني ايه؟ يعني كثرة الاكل. كثرة الشرب. كثرة النوم. كثرة النظر يعني ده حرام مش خلينا
نقول توصف - 00:52:32

اكل كتير شرب كتير نوم كتير اكل كتير شرب كتير الحاجات دي بتقسي القلب. قال بشر بن الحارس خصلتان تقسيان القلب.
كثرة الكلام وكثرة الاكل. الامام احمد بن حنبل سئل - 00:52:59

هل يجد الرجل رقة في قلبه وهو شبعان فقال لا اعتقد ذلك. الامام احمد قيل له هل يجد الرجل هل يجد الرجل رقة في قلبه وهو
شبعان؟ قال لا اعتقد ذلك. لا ارى ذلك - 00:53:20

مشكلة كبيرة طيب يبقى احنا نحاول قلل اكلك. وعلى فكرة تقليل الاكل ده حاجة مفيدة في كل حاجة يعني. مش عارف كارت الاكل
ديت مضره في كل شيء. يعني لو قللت اكلك هيبيقى ده اكل صحي لك. لان - 00:53:39

احنا اصلا الجسم الصحي ليه انه ما يمتهلش؟ انت لو بس كلت كلت بدل عشرين معلقة رز كلت سبعة احسن لك من عشرين معلقة. لو
كلت حتى لحمة قد كده احسن ما تأكل خمس حتت. خد بالك - 00:53:54

الكلام ده كلكم قاريين وفاهمينه وكلكم بتخسسو دلوقتي يعني وكلكم ندمانين على الاكل اللي كلته احسن للجسم انشط للبدن
احضر للقلب اوفر للمال. يعني عندنا دلوقتي مشكلة اقتصادية. يعني انت عارف من حلول المشكلة الاقتصادية لغاية ما ربنا يحلها من
عنه يعني - 00:54:12

آآ ربنا يرحمنا يعني فمن الحلول ان احنا قلل الاكل قال لك مش عشان انت فقير ولا غلبان؟ لا ده ده اجراء المفروض اصلا المفروض تعمله اداء عادي. ده اجراء صحي - 00:54:38

فمن فواید الجانبيه ان انت ماديا مش هتعاني. تخيل احنا كلنا اتخذنا قرار هناكل نص الاكل اللي بناكله. صدقني صحتنك هتتحسن وفلوسك هتتوفر. لأن احنا فعلا بناكل بزيادة احنا ناكل اللي بزيادة. نص اكلنا ما لوش لازمة - 00:54:54

غير بقى قسوة القلب هل الاكل هتل الشرب قلل النوم المفروض ما تناسمش اكتتر من سبع ساعات. ست سبع ساعات بكثير او اي اكتتر من كده مش تمام. بيقول لنا بعد كده من اسباب قسوة القلب كثرة الذنوب - 00:55:16

كثرة الذنوب. كلاب ران على قلوبهم ما كانوا يكسبون ما كانوا يكسبون. الران فكلما كثرت الذنوب كلما ران على القلب كلما اشتدا به؟ قسوة وقال بعض السلف البدن اذا عري - 00:55:35

ربط كذلك القلب اذا عري منا الخطايا الصراعات دمعته البدن اذا عري القلب اذا عري من الخطايا السرعة دمعة الصراع الدمعة. وقال ابن المبارك رأيت الذنوب تميت القلوب وقد يورث الذل ادمانها. وترك الذنوب حياة القلوب. وخير لنفسك - 00:55:55

عي الصيانة. رأيت الذنوب تميت القلوب. وقد يورث الذل ادمانها. وترك الذنوب حياة القلوب. وخير لنفسك عص يبقى العلاج ان انت قلل الذنوب ما استطعت. كل ما تقلل ذنبك كل ما قلبك يرق اكتتر. كل ما ذنبك تكتتر كل ما قلبك يقسوا اكتتر واكتتر. يبقى احنا ربطنا بين الاسباب - 00:56:26

وبين العلاج. تعال نزود في العلاج شوية بقى. يعني احنا ايه؟ قلنا اشهر الاسباب. وربطنا السبب بالعلاج. تعال نزود في العلاج بقى شوية. من العلاجات الاحسان الى اليتامي والمساكين. ثاني من العلاجات الاحسان الى اليتامي والمساكين - 00:56:53

النبي عليه الصلاة والسلام جاءه رجل وشكى قسوة القلب جاءه رجل وشكى قسوة القلب. فقال صلى الله عليه وسلم ان احبيت ان يلين قلبك. ان احبيت ان يلين قلبك قلبك فامسح رأس اليتيم واطعم المساكين. ان احبيت ان يلين قلبك فامسح رأس اليتيم - 00:57:12

واطعم المساكين. الانسان يتعمد اذا رأى يتيم ان يمسح رأسه. فإذا لم يعرف يتيم فليذهب ان يزور اليتامي في دور دور اليتامي وكده زورهم. وامسح رأس اليتيم. واقعد معه واتكلم معه وهزر معه وحكي معه وحكي له قصصه واسمع - 00:57:38

هزارو هات دي بتطلعك كانك تبص نصفت آآ المسكين احسن اليه. انا مش عايزة تحسن المسكين تدي له الفلوس وتجري. لأنها عايزة مسلا لما تيجي تدي ست غلبة الفلوس اتكلمي معها شوية. قول لي لها انت عاملة ايه يا حاجة - 00:57:58

بتعملوا ايه؟ انت عايشة ازاي؟ انت بتتكللي ايه؟ اخبار ولادك ايه؟ تشربوا ايه؟ احكي لي عن نفسك اسمعي الكلام هتسمعي حواريت لو قلبك حجر هايلين وهتسمعي كمية وسط حوارتها اللي هي بتحكيها كمية رضا وحمد وشكر وتفويض - 00:58:16

ورضا عن الله هيحسني ان انت ما اسلمتيش اصلا بالنسبة للناس دي. ناس جميلة ناس رائعة معاملتها جميلة وانضف ارق قلوب قلوب الفقرا والمساكين. فما تديش الصدقة وتجري. لأنها شوية كده - 00:58:39

ازيك يا حاجة عاملة ايه؟ قول لنا بس عاملة ايه؟ سببها تفتح بس ولادك عاملين ايه يا حاجة راضي عن ربنا واسمي الكلام لما تروحي البيت تلاقي كمية النعم اللي انت فيها. مع سخطك وشكوك الدايمة واحساسك ان انا ما عنديش وما عنديش - 00:58:57

قلبك هيرق فعلا تحسي ان انت كم كنت قاسيه ما شوفتي الناس ديت ما تشوف اليتيم تحmedi ربنا على نعم ان الانسان له اب وام واسرة والكلام دوت واضح فامسح رأس اليتيم واطعم المساكين. خلينا نقول آآ آخر حاجة في في العلاج - 00:59:18

حاجات او كذا حاجة مرتبطة ذكر الموت الحاجة اللي احنا بنهرب منها قل ان الموت الذي تفرون منه قل ان الموت الذي تفرون منه فانه ملاقيكم. احنا بنفر من الموت - 00:59:43

وبنفر من الكلام عن الموت وما بنحبش حد يكلمنا عن الموت. ومتش بحب لما بتيجي الخطبة اللي على اليوتيوب اللي مكتوب فيها الموت مش بخش عليها. لما الاقي مقطع دعوي بيتكلم عن الموت - 00:59:58

مش بحب اسمعه. لما الاقي دارس هيتكلم عن الموت مش بروح احضره احنا بتعمل كده فعلا ولو حد قال لنا اتكلم عن الموت قدامنا
نقول له فهل الله ولا فالك. غير السيرة - 01:00:10

مش عايز اسمع الموضوع دوت. انت كده بتبوز نفسك. ده هو ده صحي جدا اكتروا من ذكر هادم اللذات. ما هو ده اللي هيراعي قلبك.
ده اللي هيقوك. ده اللي هيدي لك القلمين اللي هتصحي بهم. اكتر اذا وجدت حد يعني - 01:00:23

بليكثر من ذكر الموت فخليلك معي حلو. خش اسمع خطبة الموت. دلوقتي بعد ما تخلص دور على خطبة عن الموت واسمها. لشيخ
قديم. شيخ بيأثر فيك شيخ بيذن من اسمع اي حد بيتكلم عن الموت خش اسمع - 01:00:39

اقرأ عن الموت. افتح كتاب الدار الآخرة واقرأ الحلة بتاعة الموت كلها جاءت امرأة الى السيدة عائشة قالت ان قلبي قاسي.
قالت اكذري ذكري الموت يا رق قلبك. قال فمكثت شهرا تذكر الموت. فعولج قلبها وجاءت الى - 01:00:52

عائشة وشكرتها وشكرتها. كان احد السلف يقول لو فارق زكر الموت قلبي ساعة لفسد قلبي لفسد قلبي. ومن ذلك ان الانسان يعني من
ال حاجات اللي تساعده ان يكثـر من زيارة القبور. وان يتـفكـر في احوال اهل القبور. قال النبي - 01:01:11

صلـى الله عليه وسلم الا كنت قد نهـيـتكم. نهـيـتكم عن زيارة القبور الا فـزوـرـوها. فـانـها تـذـكـرـ الاـخـرـةـ. وـفـي روـاـيـةـ فـانـها تـرقـ القـلـبـ وـتـدـمـعـ العـيـنـ وـتـذـكـرـ الاـخـرـةـ وـتـذـكـرـ الاـخـرـةـ - 01:01:29

واحد السلف يدعـي محمد بن صالح التمار. قال كان صفوـانـ بنـ سـليمـ. يـأـتـيـ الـبـقـيـعـ. الـبـقـيـعـ مـقـابـرـ الـبـقـيـعـ. فـيـ الـاـيـامـ فـيـمـرـ كـانـ بـيـعـديـ
قادـاميـ واـشـوـفـهـ رـايـحـ الـبـقـيـعـ دـاخـلـ. قـالـ فـاتـبعـتـهـ يـوـمـ مـشـيـتـ وـرـاهـ يـوـمـ - 01:01:51

وقـلتـ وـالـلـهـ لـاـنـظـرـنـ مـاـذـاـ يـفـعـلـ ؟ وـمـاـ يـصـنـعـ ؟ قـالـ فـجـلـسـ عـلـىـ قـبـرـ وـاـخـذـ يـبـكـيـ. حـتـىـ ظـنـنـتـ اـهـلـهـ قـالـ ثـمـ مـدـبـيـ مـرـةـ ثـانـيـةـ
وـجـلـسـ عـلـىـ قـبـرـ اـخـرـ وـظـلـ يـبـكـيـ. قـلـتـ يـمـكـنـ وـاحـدـ قـرـيبـهـ. وـمـرـ عـلـىـ مـرـةـ تـالـتـةـ وـقـعـدـ عـلـىـ قـبـرـ وـقـعـدـ يـبـكـيـ - 01:02:07

قلـتـ يـمـكـنـ وـاحـدـ بـرـضـوـ قـرـيبـهـ. فـاسـتـغـرـبـ. فـبـعـدـ زـلـكـ عـدـ عـلـىـ قـالـ فـسـلـمـتـ عـلـيـهـ وـقـلـتـ آـآـ بـيـقـولـ بـعـدـ كـدـهـ قـاـبـلـتـ مـحـمـدـ بـنـ المـنـكـدـرـ.

وـسـأـلـتـهـ قـلـتـ لـهـ يـاـ صـفـوـانـ اـبـنـ سـلـيمـ لـهـ قـرـايـبـ كـتـيرـ فـيـ الـبـاقـيـهـ لـلـدـرـجـهـ دـيـ ؟ كـلـ شـوـيـهـ يـرـوحـ مـنـ قـبـرـ لـقـبـ للـقـبـرـ وـيـبـكـيـ - 01:02:26

فـمـحـمـدـ اـبـنـ الـمـكـادـرـ كـانـ عـارـفـهـ. قـالـ لـاـ لـيـسـوـ بـاـقـارـبـيـ. اـنـمـاـ هـمـ اـخـوـانـهـ فـيـ اللـهـ. وـاـنـمـاـ هـوـ رـجـلـ يـحـركـ قـلـبـهـ بـزـكـرـ الـاـمـوـاتـ كـلـمـاـ عـرـضـتـ لـهـ
قـسـوـةـ قـالـ اـنـمـاـ هـمـ اـخـوـانـ فـيـ اللـهـ. وـلـكـنـهـ رـجـلـ يـحـركـ قـلـبـهـ بـزـكـرـ الـاـمـوـاتـ كـلـمـاـ عـرـضـتـ لـهـ قـسـوـةـ - 01:02:46

وـكـانـ اـمـرـأـ مـتـبـعـدـةـ مـنـ عـبـدـ الـقـيـسـ تـكـثـرـ مـنـ اـتـيـانـ الـقـبـورـ. فـعـوـتـبـتـ فـيـ ذـلـكـ. فـقـالـتـ اـنـ القـلـبـ القـاسـيـ اـزاـ جـفـيـ لـمـ يـلـيـنـهـ الاـقـبـورـ.

وـكـأـنـيـ انـظـرـ الـيـهـ قـدـ خـرـجـواـ مـنـ بـيـنـ اـطـبـاقـهـ. وـكـأـنـيـ انـظـرـ الـىـ تـلـكـ الـوـجـوهـ الـمـعـتـشـرـةـ. وـالـىـ تـلـكـ الـاجـسـامـ - 01:03:10

الـمـتـفـيـرـةـ وـالـىـ تـلـكـ الـاـكـفـانـ الـدـسـنـ دـنـسـةـ فـيـاـ لـهـ مـنـ مـنـظـرـ فـظـيـعـ وـمـاـ يـرـقـقـ الـقـلـبـ اـنـ يـتأـمـلـ الـاـنـسـانـ فـيـ عـاـقـبـةـ الـظـالـمـينـ وـفـيـ دـيـارـ

الـهـالـكـيـنـ. وـفـيـ مـصـارـعـ الـفـاسـدـيـنـ وـالـمـفـسـدـيـنـ. كـيـفـ كـانـواـ وـكـيـفـ - 01:03:30

اصـبـحـواـ وـكـانـ الـرـبـيعـ اـبـنـ خـثـيـمـ اـذـاـ وـجـدـ مـنـ قـلـبـهـ قـسـوـةـ اـتـىـ مـنـزـلـ صـدـيقـ لـهـ. فـيـ نـادـيـ يـاـ فـلـانـ يـاـ اـبـنـ فـلـانـ ثـمـ يـقـولـ كـلـ نـفـسـ لـيـتـ
شـعـريـ مـاـ فـعـلـ بـكـ سـمـ يـبـكـيـ حـتـىـ تـسـيـلـ دـمـوعـهـ حـتـىـ تـسـيـلـ دـمـوعـهـ - 01:03:51

هـذـاـ حـالـهـ يـعـنـيـ سـبـحـانـ اللـهـ يـعـنـيـ كـانـ آـآـ اـحـدـهـ اـذـاـ قـسـىـ قـلـبـهـ قـعـدـ يـذـكـرـ الـاـمـرـاءـ وـالـخـلـفـاءـ وـمـنـ وـيـزـهـبـ الـىـ مـقـابـرـهـ وـيـنـشـدـ لـهـ
وـيـذـكـرـهـ بـالـلـهـ سـبـحـانـهـ وـتـعـالـيـ وـيـقـولـ يـعـنـيـ اـيـنـ الـمـلـكـ ؟ وـاـيـنـ السـلـطـانـ ؟ وـاـيـنـ الـجـاهـ ؟ اـيـنـ زـهـبـ كـلـ هـذـاـ - 01:04:12

فـيـرـقـ قـلـبـهـ يـرـقـ قـلـبـهـ عـشـانـ كـدـهـ هـخـتـمـ لـكـ بـكـلامـ بـدـيـعـ جـداـ جـداـ لـابـنـ الجـوزـيـ رـحـمـةـ اللـهـ عـلـيـهـ. اـنـاـ عـاـيـزـكـمـ اـنـسـىـ بـقـىـ كـلـ حـاجـةـ وـرـكـزـ

معـيـ فـيـ الـكـلـمـتـيـنـ دـوـلـ بـقـىـ هـمـ دـقـيـقـتـيـنـ بـالـظـبـطـ وـهـخـلـصـ الـمـحـاضـرـ دـيـ - 01:04:37

بسـ هـقـولـ لـكـ كـلـمـتـيـنـ كـدـهـ اـبـنـ الجـوزـيـ دـيـ طـرـيـقـ رـائـعـ كـدـهـ فـيـ تـرـتـيـبـ الـكـلـامـ. بـيـقـولـ صـعـجـ كـدـهـ جـمـيلـ لـكـنـ كـلـامـهـ مـؤـثـرـ جـداـ جـداـ
فـانـسـيـ كـلـ حـاجـةـ دـلـوقـتـيـ وـرـكـزـ مـعـيـ فـيـ الـكـلـمـتـيـنـ دـوـلـ. وـدـيـ اـخـرـ حـاجـةـ هـقـولـهـاـ النـهـارـدـةـ. اـبـنـ الجـوزـيـ بـيـحـكـيـ بـقـىـ كـلـ اللـيـ اـنـاـ قـلـتـهـ دـهـ.

الـلـيـ هـوـ بـقـىـ زـكـرـ الـمـوـتـ وـمـصـارـعـ الـظـالـمـيـنـ وـغـفـلـةـ النـاسـ - 01:04:57

فـكـتبـ اـبـنـ الجـوزـيـ رـحـمـةـ اللـهـ عـلـيـهـ يـقـولـ اـيـنـ الـذـيـنـ كـانـواـ فـيـ الـلـذـاتـ يـتـقـلـبـونـ وـيـتـجـبـرـونـ عـلـىـ الـخـلـقـ وـلـاـ يـغـلـبـونـ مـزـجـتـ لـهـ كـؤـوسـ
الـمـنـاـيـاـ. فـبـاتـواـ يـتـجـرـعـونـ مـاـ اـغـنـىـ عـنـهـمـ. مـاـ كـانـواـ يـمـتـعـونـ. مـدـواـ اـيـدـيـهـمـ اـلـىـ الـحـرـامـ - 01:05:20

واكثر من الزلل والاثام وكم وعظوا بمنصور ومنظوم من الكلام لو انهم يسمعون ما اغنى عنهم ما كانوا يمتعون. حمل كل منهم في كفن الى بيت البلا والعفن. وما صحبهم غيره من - [01:05:43](#)

من الوطن من كل ما كانوا يجمعون ما اغنى عنهم. ما كانوا يمتعون. ضمهم والله التراب وسد عليهم في ثراهم الباب ونقطعت بهم الاسباب والاحباب يرجعون. ما اغنى عنهم ما كانوا يمتعون. اين اموالهم والذخائر - [01:06:03](#)

اين اصحابهم والعشائر؟ دارت على القوم الدواير. ففيما انتم تطمعون؟ ما اغنى عنهم ما كانوا يمتعون شغلوا عن الاهل والابوال وافتقرروا الى يسير من الزاد وباتوا من الندم على اخص مهاد. وانما هذا - [01:06:26](#)

من حصاد ما كانوا يزرعون ما اغنى عنهم ما كانوا يمتعون. اين الجنود والخدم؟ اين النعم والنعم؟ بعد ما كانوا يربعون فيما يرتعون ما اغنى عنهم ما كانوا يمتعون. لو رأيتم في حل الندامة اذ بربوا يوم القيمة - [01:06:46](#)

عليهم للعقاب عالمة يساقون بالذل لا بالكرامة الى النار فهم يوزعون. ما اغنى عنهم ما كانوا يمتعون يا عشر العاصين قد بقي القليل. والايمان تنادي قد دنا الرحيل وقد صاح بكم الى الهدى الدليل - [01:07:09](#)

ان كنتم تسمعون ما اغنى عنهم ما كانوا يمتعون كل المقيمين على معاصيهم وجهلهم. الناسيين من سبقهم المصريون على قبحكم لعب الردى بمثلهم؟ لقد بولغ في اجتناث اصلهم. فتراهم ما يكفي من توبتهم. فهل ينتظرون الا مثل ايام الذين خلوا من قبلهم؟ قل -

[01:07:29](#)

تأملوا العواقب. الاثام تبقى وتفنى الاطايب. الذنوب تحصى. وما يغفل الكاتب. والسهم تفوق والرامي صائب. والذات وان نيلت بعدها المصائب. فليتذر العاقل وليرحضر الغائب قبل ان الجهال على جهلهم فهل ينتظرون الا مثل ايام الذين خلوا ومن قبلهم ابها العبد انظر بعين فكرك وعقلك هل - [01:07:54](#)

تجد سبيلا لخلاص مثالك مع اقامته على فعلك اين اعتبارك بانطلاق اسلافك؟ اين فكرك وفي فراق في فراق الافاك؟ متى تنتقل عن قبح خلافك قل للمفرط يستعد ما من ورود الموت بد قد اخلق الدهر الشباب وما مضى لا يسترد او ما يخاف اخ المعاشي -

[01:08:24](#)

من له البطش اللاشد يوما يعاين موقفا فيه خطوب لا تحد. فالى ما يشتغل الفتى في في لهوه والامر جد. ابدا عيد الزمان لاهلها تعبر وكد. يا من يأمل ان يقيموا به وحادي الموت يحدو. وتروح داعية المنون على - [01:08:49](#)

امنها وتغدو يختال في ثوب النعيم ودونه قبر ولحد. وال عمر يقصر كل يوم في الامال مد كم من ظالم تعدى وجار فما راعى الاهل ولا الجار بين هو يعقد عقد الاصرار حل به الموت فحل من حنته - [01:09:11](#)

الازرار فاعتبروا يا اولي الابصار. سأله في اللحد صدید ويلي في القبر جديد. وهجره نسيبه ووديده تفرق حشه وعيده والانصار. فاعتبروا يا اولي الابصار. اين مجالسه العالية؟ اين عيشه الصافية؟ اين لذته - [01:09:33](#)

خاليةكم تسفي على قبره صافية؟ ذهبت العين واخفيت الاثار. فاعتبروا يا اولي الابصار. تقطعت به جميع الاسباب وهجره القرناء والأتراك. وصار فراشه الجندي والتراب. وربما فتح له في اللحد باب. وربما فتح له في اللحد - [01:09:53](#)

سباب النار فاعتبروا يا اولي الابصار. خلا والله بما كان صنع واحتوشه الندم وما نفع. وتمني الخلاص وهيهات قد وقف وخلاه الخليل المصافي وانقطع. واشتغل الاهل بما كان جمع. وتملكت ضده المال والدار. فاعتبروا يا اولي الابصار - [01:10:13](#)

نادم بلا شك ولا خفي. باك على ما زل وهفى. يود ان صافي اللذات ما صفا. وعلم انه كان يبني على شفا جرف فاعتبروا يا اولي الابصار. بس ما فيش كلام يتقال تاني. خلص اللقاء - [01:10:33](#)

اعتبروا يا اولي الابصار. جزاكم الله خيرا. اسأل الله ان يجعلنا واياكم في جنات النعيم. وان يقينا قسوة قلوبنا وان يرقق قلوبنا وان يحمينا من شر انفسنا. جزاكم الله خيرا. سبحانك الله ربنا وبحمدك. اشهد - [01:10:54](#)